

**Mbete kí njèkungì joo kí Pol
ndàngì adi
Timote
Ta-je kí dɔ mbete-ti kí
njèkungì joo kí Pol ndàngì
adi Timote**

Mbete kí njèkungì joo kí njèkɔwkulə Pol adi Timote kinlé to dɔbɔy ta kí idə Timote kete bá kadi 'tol-é bɔy. Ɛ isi dangay-ti mɛɛ bebo Rɔm-ti isi ngəbi kadi 'tol-é. Ɛ ndàngì mbete lé kɔɔ kulə-né dingəm mɛɛ Timote-ti kadi-é uwə rɔ-é ngə mɛɛ kadmɛɛ-ti rəm, bá mɛɛ kullə-ti lə 'Babe rəm. Kaglo-é-ti kinlé, Timote isi ɔr nɔ njèkəwnɔ-je kí bebo Epeji-ti ya bɔy. Mbete-je kí rangi nɔ kí Pol ndàngì lé, ɛ pa ta lə ra kí Timote ra siə mɛɛ-é-ti. Dɛ kí joo kinlé, 'ra kullə nati kɔɔ ta lə 'Babe. Pol ba Timote ngon-é kí mɛɛ kadmɛɛ-ti titi kí ba-é-né mɛɛ mbete-ti kí dɔsɔy kí ndàngì adi-é lé. Tò ndaa-ti rəsi kí Pol ində Timote kí to ngon basa kí njèra siə kullə kin dan kəm-é-ti ə ndigì kadi-é ra kullə maji kí kete-kete. Ta kí lo kɔr-é-ti kí 1-2 lé, tò kadi lé dan kɔ-je-ti kí dɔkaglo-ti kí bone, kì né-je kí to rɔ ya kàrè to kuwə rɔ ngə ya. Pol un nétoji-je nɔ bá pa-né ta kí dɔ kuwə rɔ ngə-ti: Asgar, njèkayngɔdi lokində dirə-ti, njèndɔr, njèrakullə, bá ɛ pa ta kí dɔ rɔ-é-ti ya tɔ, kɔɔ ngɔdi kí ɛ ay kaglo kisi-é kì dɔ-é taá. Ta kí lo kɔr-é-ti kí 3-4 lé to ta-je kí sobi dɔ kɔ-je kí

à ree kí ree bəy, bá maji læ kə do ndi-ti rəm, bá kilə kuji do ta-ti læ Lubə rəm. Pol pa ta læ kiŋə-
 nə ta təl ta mbete-ti liə, ngà ɛ ində mɛɛ-é-ti kí
 Timote à kow koo-n'è bebo Rəm-ti ə ɛ idə-é ta-je
 nə do kow-ti kí à kow koo-n'è lé. To mbete kí ɛ
 ndàngi adi dow káre-rè ya ngà təl to mbete kí
 ulə dingəm mɛɛ njékadmɛɛ-je-ti kí bone bè ya
 lay.

Lapiya kí Pol ra

¹ Mə Pol, njèkəwkuələ læ Jeju Kristi, kí go ndigi-
 ti læ Lubə kadi m'ilə mbe kunmindi læ Lubə kí
 sobi do kiskəm kè takul nam kàdì Jeju Kristi-ti,

² †bá m'ndàngi mbete kin m'adi-i i Timote kí
 m'oo-i kí ngon-m bè, kí m'ində-i dan kəm-m-ti.
 Kadi Lubə kí Bəbi-ji de kè 'Babe læ-ji Jeju Kristi
 d'adi ramaji, kè koo kəmtondoo, kè lapiya læ-dé
 nəy sə-i.

Oiyo kí Pol ra Lubə

2Ti 2:1-12; Epɛ 1:3-7; 2Te 2:13-15

³ Lubə kí ka-m-je 'pole-é bá m'un do nja-dé kè
 tagir kí maji lé, m'ra-é oiyo kdo ta læ-i. Loki m'isi
 m'pa siə ta ndoo-je kè kada-je lé, m'nal kilə ri-i
 dan-ti al.

⁴ Loki mɛɛ-m ole do man nɔ-ti læ-i rəmə, bo
 koo-i ya ra-m loti-loti kdo kadi rənəl rusi-né mɛɛ-
 m.

⁵ †Mɛɛ-m tò géróré do kadmɛɛ-ti læ-i kí to
 kadmɛɛ kí kədkəm goto-ti, kí tò mɛɛ ka-i kí dené
 Loiyisi-ti ya kete rəm, bá tò mɛɛ kɔ-i Enisi-ti rəm
 to. Kadmɛɛ kinlé, m'gə maji kí tò mɛɛ-i-ti to.

† 1:2 1:2 Knj 16:1 † 1:5 1:5 Knj 16:1

Ta dingəm kí Pol adi Timote

⁶ Gin-é kin bá m'ulə dingəm meɛ-i-ti, kadi ulə pər kuti kadjare-ti kí Lubə adi-i loki m'ində-né ji-m do-i-ti lé.

⁷ Kdotalə ndil kí Lubə adi-ji lé, to ndil bəl al, ngà to ndil tógi rəm, ndil ndigna rəm, bá ndil gosi rəm tɔ.

⁸ 'Adi rɔ-i sol-i do pa ta-ti lə 'Babe kadi dow-je al rəm, 'adi rɔ-i sol-i do-m ma-ti kí d'uwə-m dangay-ti kɔ ta kí sobi do-é kin al rəm tɔ. Ngà kadi 'ingə kò sə-m kɔ Poyta kí Maji, kɔ takul tógi lə Lubə.

⁹ Ɛ bá aji-ji rəm, ba-ji kadi j'təli dow-je kí j'aai njay, kɔ takul kullə ra-ji-je al, ngà kí go kojra-ti liə ɛ ya rəm, kí go maji-ti kí ɛ ra sə-ji kɔ takul nam kadi Jeju Kristi-ti low lə low-je nu†.

¹⁰ Ramaji kinlé, Lubə adi toji rɔ-é kí ngosnè-ti kin kɔ takul ree lə Njèkaji-ji Jeju Kristi kí tətɔ rɔ koy ə toji kiskəm kí sartagangi kɔ takul Poyta kí Maji.

¹¹ †To ta lə Poyta kí Maji kinlé bá Lubə ində-m-né kɔ njèndó dow-je ta liə rəm, njèkɔwkuələ rəm, bá njèndó né dow-je rəm tin.

¹² Adi to né kin bá, m'ingə-né kò tin. Ngà rɔ-m bá sol-m do-ti al, kɔ m'gə ɛ kí m'adi-é meɛ-m rəm, bá m'gə maji kí ɛ ɔw kɔ tógi kadi ngəm-né né kí maji kí ɛ inə ji-m-ti sar ndɔ təl Jeju-ti rəm tɔ.

¹³ Gə ta kí togrɔ-ti kí 'oo ta-m-ti lé, ɛ ya 'uwə ngə kɔ takul kadmeɛ rəm, kɔ takul ndigi dow-je kɔ nam kí i 'nam kadi Jeju Kristi-ti.

† 1:9 1:9 Epe 1:3-7 † 1:11 1:11 1Ti 2:7

14 Né kí maji kí tò ji-i-ti lé, 'ngəm k̀ takul Ndil kí aa njay kí isi m̄ē-ji-ti lé.

Kuwə rɔŋə lə Onejipɔr

15 I 'gə maji kí d̄ə lay kí d'isi d̄onangi Aji-ti 'tusi-m d'ĩn̄ə-m, adi dan-dé-ti lé to Pijel d̄ə k̀ Ermojen.

16 Kadi 'Babe adi koo k̄əmtondoo liə n̄əy k̀ dow-je kí m̄ē k̄əy-ti lə Onejipɔr. Kdɔtalə taá-taá ya isi sɔl m̄ē-m rəm, bá rɔ-é sɔl-é kdɔ sil kí d'il̄ə-m kin al rəm tɔ.

17 Ngà loki ɛ ree bebo Rəm-ti lé, ɛ sangi-m k̀ rɔ tungə-é ya sar ingə-m.

18 Né-je lay kí Onejipɔr ra adi-m bebo Epeji-ti lé, i 'gə maji itə dow-je lay. Kadi 'Babe adi koo k̄əmtondoo liə n̄əy siə ndɔ gangta-ti liə.

2

Né-je kí tuwə kadi njèkadm̄ē ndaji

1 I Timote kí m'oo-i k̀ ngon-m bè lé, 'uwə rɔ-i ngə m̄ē maji-ti kí Lubə ra sə-ji k̀ takul nam kí j'nami kàd̀ Jeju Kristi-ti kin.

2 Néndó kí 'oo ta-m-ti k̀ mbi-i takəm kosi dow-je-ti lé, 'ndó dow-je kí njera né kí tɔgrɔ-ti kí d'a kasi ndó dow-je kí rangi tɔ.

3 'Ingə k̀ sə-m tanə asgar kí maji lə Jeju Kristi bè.

4 Dow kí andi asgar-ti lé, à k̄ər rɔ-é k̄əgi m̄ē kullə-je-ti lə dow-je kí kare, kdɔtalə ɛ à ndigi kadi n'ra né kí nəl njèkun-n'è asgar-ti.

5 Bè ya tɔ, dow kí ində dirə ngodi lé, à k̄əy k̀ gangi-é kí d'ɔji kadi toki k̄əy-né lé bane, al rəmə à nal nékugə d̄oji-é.

⁶ Rəm b́a njèndɔr kí njèkɔɔ rɔgi-rɔgi ta ndɔr-ti lé, tò kadi ɛ ya ijə kandi né ndɔr liə dɔsay.

⁷ I Timote, ta-je kí m'idə-i kinlé, 'laji dɔ-ti maji 'oo, ə 'Babe à ra sə-i kadi 'gə mɛɛ né-je kin lay.

⁸ 'Adi mɛɛ-i ole dɔ Jeju Kristi-ti kí to ngonka Dabidi. Jeju lé, Lubə adi-é tɔsi ndəl ində lo tɛɛ, titi kí Poyta kí Maji kí m'isi m'ilə mbe-é pa-né ta-é lé.

⁹ To ta lə Poyta kí Maji kinlé b́a m'ingə-né kɔ sar d'ilə-m-né sil tanə k̀i dow kí tol dow bè tin. Ngà ta lə Lubə lé, dow ilə-é sil al. ¹⁰ Gin-é kin b́a m'ore-né mɛɛ-m ngə dɔ né-je-ti lay, kdɔtalə dow-je kí Lubə mbəti-dé, kdɔ kadi dɛ kàrè d'ingə kaji kí tò rɔ Jeju Kristi-ti, k̀i riba kí sartagangi tɔ.

¹¹ Ta-je kí m'ɔw k̀i pa kinlé, to ta-je kí togrɔ-ti ya: Kinə j'oyi nati k̀i Kristi lé,

¹² †j'a kisi kəm nati siə tɔ.

Ə kinə j'uwəi rɔ-ji ngə rəmə, j'a kɔi be nati siə tɔ,

Ngà kinə j'naji j'painè j'gəi-é al rəmə, ɛ kàrè à naji panè n'gə-ji al tɔ.

¹³ Kinə j'ai dɔ kunmindɔ-ti lə-ji al kàrè ɛ ɔ gərərə dɔ kunmindɔ-ti liə.

Kdɔtalə ɛ, à pa ta mindɔ-é joo al.

Njèra kullə kí 'nə-é 'gə-é maji

1Ti 1:3-7,18-20; Tit 1:10-16; 2:11-15; 2Pi 2:1-22

¹⁴ 'Oo maji, né-je kí kadi 'ole mɛɛ dow-je dɔ-ti, 'ndəji-dé-né ǹɔ Lubə-ti ɔn: Kadi d'isi ta 'gaki-nə dɔ ngan ta-je-ti al, kdɔ maji-é goto, ngà isi tuji dow-je kí d'isi 'yəl mbi-dé d'oo-né.

15 'Uwə rɔ-i ngə kadi 'a n̄ Lubə-ti titi dow kí 'n̄-é d'oo adi to dow kí asi rəm, titi njèra kullə kí rɔ-é sɔl-é dɔ kullə-ti liə al, adi ɛ ndó dow-je ta kí tɔgrɔ-ti lə Lubə k̄i gangi-é berere-berere.

16 'Or rɔ-i ngərəngi kɔgi mee tatidə-je-ti kí mee wəy kare kí to ta-je kí tò n̄ takəm Lubə-ti, kdɔtalə dow-je kí d'ində rɔ-dé ta-ti lé, d'ow ki kete par-par mee né ra-je-ti kí ilə kuji dɔ Lubə-ti al.

17 Dowbé-je kinlé, néndó lə-dé ɔw ki kete-kete tana k̄i dò basrangi kin ya bè. Imene-je k̄i Piləti 'to dow-je kí dan-dé-ti.

18 Imene-je k̄i Piləti lé, 'ndəm rəbi ta kí tɔgrɔ-ti adi d'ur wale. Dɛ 'pa titi kí Lubə adi dow-je 'tosi ndəl d'ində lo tɛɛ ngá bè. Bəba 'təl dɔ dow-je n̄ adi d'ilə kadmee lə-dé kɔgi.

19 Bè ya kàrè, gin kəy kí Lubə ində adi ngə kəng-kəng lé, a gərərə. Gin kəy kinlé 'ndàngi ta-ti 'panè:

«'Babe gə dow-je liə gɔw»

ə «Dow kí rá-rá kí panè n'to dow lə 'Babe rəmə, kadi dowbé mbatì né ra kí njururu al.»

Bay-je lə dené kɔmolé

20 'Oo bè, mee kəy kí boy lé, bay-je kí d'ubə k̄i lɔr, k̄i bay-je kí d'ubə k̄i là ya par b́a tò-ti al, ngə bay-je kí to kagi b́a 'tɔl, k̄i bay kí d'ubə k̄i anji-je kàrè tò-ti tɔ. Bay-je kí dan-ti-je lé, to bay kɔmolé, ngə bay-je kí n̄-je to bay ra kullə-je kí kare tɔ.

21 Bəba kinə dow aa rɔ-é dɔ né-je-ti kí maji al kin rəmə, dowbé toki bay kɔmolé kí d'or d'ində tagay d'adi Lubə, ɛ toki bay kí maji ra kullə kí

ba-é ngøm pèrèrè kdo ra-né kullə kí rá-rá ya kí maji kin bè.

Ta kí sɔbi do ngonnjèkullə lə 'Babe

²² Timote, 'or rɔ-i ngørəngi kɔgi mɛɛ bo né-je-ti kí maji al kí isi ra basa-je kɔ mandi-je ə i 'sangi kadi 'ra né kí njururu, kadi 'ində mɛɛ-i do Lubə-ti, kadi 'ndigi dow-je rəm, kadi 'isi kɔ lapiya kɔ dow-je kí 'nɔ ba 'Babe kɔ mɛɛ-dé kí káre-rè rəm tɔ.

²³ Tanaji-je kí kɔgi kare kɔ tanaji-je kí do mbə-ti lé, 'osi ngørəngi kɔgi, kdo à ree kɔ kol-nə.

²⁴ Ə dow kí to ngonnjèkullə lə 'Babe lé, to dow kí à ndigi kol-nə al. Ngà ɛ à to dow noji rɔ dow-je-ti lay rəm, à to dow kí asi ndó dow-je né rəm, bá à to dow kí njèkilə mɛɛ-é do madi-é-ti pɔ rəm tɔ.

²⁵ Ɛ à kol kɔ njémbati ta-je kɔ ta kí sɔl ləm-ləm; kdɔtalə dɔmaji ə Lubə à ra sə-dé kadi d'inə panjiyə-dé kí maji al kɔgi ə 'təl 'ree do ta-ti kí togrɔ-ti gogi,

²⁶ kadi loki kəm-dé ijə do né ra-dé-je-ti kí do mbə-ti lé rəmə, 'teɛ kɔgi mɛɛ gum-ti lə Sú kí uwə-dé gin tɔgi-é-ti adi d'isi 'ra ndigi liə.

3

Ta kí do kaglo-je-ti kí dɔbəy-ti

¹ Timote, kadi i 'gə kí mɛɛ ndo-je-ti kí dɔbəy-ti lé, lo à ngə nə.

² Kdɔtalə dow-je d'a to njéyər-je, d'a to m'oy yo là-je, njékun ta rɔ-dé-je, njékində kadi-dé-je, njépa takɔbi kɔ Lubə, njékɔsi ta njékoji-dé-je, njéra oiyo al-je, njénədi Lubə,

³ d'a to dow-je kí kò lə dow usi-dé al, njékoo kəmtondoo lə madi-dé-je al, njékulə ta ndil dow-je-ti, njékore mee-dé al-je, njémeeƙati-je, njéba lə njéramaji-je,

⁴ njékun do dow-je, njékində kungəsa-je, njéngom-je, dow-je d'a ge né kí adi-dé rənəl tɔy ndigi Lubə.

⁵ Dow-je d'a ɓa rɔ-dé njékilə kuji do Lubə-ti ya, ngà d'a mbati né kí njèkadi tógi kuji kí kilə do Lubə-ti. 'Or rɔ-i ngərəngi kogi rɔ dowbé-je-ti kinlé.

⁶ Kdotalə də kí nǎ-je dan-dé-ti 'tandi mee kəy-je-ti rəmə, dené-je kí njétógi kasi al, kí majal ɔ be do-dé-ti rəm, kí 'to dené-je kí ɓo né-je kí gay-gay ra-dé loti-loti kinlé, d'usi mee gum-je-ti lə-dé.

⁷ Dené-je kinlé, d'ingə néndó kì ndɔ-é ndɔ-é ya, ngà nja káre ya kàrè 'gə ta kí togrɔ-ti lé yéréré al.

⁸ Titi kí ndoki Janesi-je kì Jambresi d'osi-né Moiyiji kì ta lé, bè ya tɔ, dowbé-je kinlé d'osi-né ta kí togrɔ-ti ngərəngi tɔ. Də 'to dow-je kí do-dé goto rəm, kí sobi do kadmee rəmə, 'to dow-je kí kare kogi ya bè.

⁹ Adi d'a kow ki kete-kete nda al. Kdotalə mbé lə-dé lé, à tò ndaa-ti rəsi takəm dow-je-ti lay, tanə kì 'lə dow-je kí joo kinlé bè tɔ.

Ka gərərə do néndó-ti kí togrɔ-ti

2Kɔ 6:3-10

¹⁰⁻¹¹ †Ngà i lé, né kí m'ndó dow-je rəm, panjiyø-m, kì kojra-je lə-m, kì kadmee lə-m, kì kilə mee do madi-é-ti lə-m, kì ndigi kí m'ndigi dow-je rəm,

† **3:10-11 3:10-11 a** Knj 13:14-52; **b** Knj 14:1-7; **d** Knj 14:8-20

kuwə rɔŋ ɱə lə-m, kɪ kəm-m kɪ dow-je d'ulə ndoo, bá kɔ̃-je lə-m lé, to né-je kɪ i 'ində kəm-i go-ti berere-berere 'oo maji. Mee bebo Antiositi, kɪ Ikoniyom, kɪ Listrə lé, kɔ̃ kɪ rá bá m'ingə al wa? Kulə kəm ndoo kɪ rá bá tee do-m-ti al wa? Bè ya kàrè, 'Babe or-m-ti lay ya ilə-m taá.

¹² Bè ya to, dow-je lay kɪ 'ndigi kadi kisi do taá lə-dé ilə kuji do Lubə-ti kɪ takul nam kadi Jeju Kristi-ti lé, dow-je d'a kulə kəm-dé ndoo.

¹³ Ngà dow-je kɪ njemeendul-je, kɪ njekadta-je lé, d'a kow ki kete ɱə mee né ra-ti kɪ maji al par-par, kur-né dow-je kɪ rangi wale rəm, bá de ya kàrè dow-je d'a kur-dé wale rəm to†.

¹⁴ Ngà i lé, néndó-je kɪ i 'ingə ə i 'gə kɪ to néndó kɪ togrɔ-ti, bá dow-je kɪ i 'ingə rɔ-dé-ti kàrè i 'gə-dé maji kinlé, e ya 'a do-ti.

¹⁵ Ngon-i-ti ɱu ya, mbete kɪ aa njay kɪ à kadi-i kəmkaa kɪ à tee sə-i kaji-ti kɪ takul kadmee Jeju Kristi lé, i 'gə maji.

¹⁶ Mbete kɪ aa njay bikti lay ya Lubə adi Ndilé ɔsi dow-je bá 'ndangi ə maji asi gaki kdo ndó dow né rəm, kadi uwə dow kɪ ta rəm, ilə dow rəbəə rəm, ɔji dow né ra kɪ njururu,

¹⁷ kdo kadi dow lə Lubə or-né mir-mir rəm, bá kadi asi ra-né kullə-je lay kɪ maji rəm to†.

4

Ta kɪ ɔbi do ndó dow-je ta lə Lubə

¹ Kdotalə təl lə Jeju Kristi kɪ à təl rəm, kdotalə kɔ̃be liə kɪ à ree rəm lé, m'un ndu m'adi-i ɱə

† 3:13 3:13 Knj 20:28-31 † 3:17 3:17 2Pi 1:19-21

Lubə-ti, kì nò Jeju Kristi kí tò kadi à gangta do dow-je-ti kí d'isi kəm, kì do de-ti kí d'oy lé,

² kadi 'ingə kəm lo-je lay kí maji əse kí maji al kàrè, 'ndo dow-je ta lə Lubə par-par ya. I 'ndó dow-je né kì mɛɛ kí kilə do madi-é-ti pɔ́ uwə-dé-né kì ta, 'ndáŋgi-dé-né do majal-ti, bá 'ulə-né dingəm mɛɛ-dé-ti rəm tɔ.

³ Kdɔtalə kaglo madi à ree nɔɔ kí dow-je d'a mbati néndó kí tɔgrɔ-ti. Ngà d'a mbəti dow-je nɔ́ kí go mɛɛ ndigi-ti lə-dé de ya kadi 'to njéndó-dé né-je kdɔ kadi 'bɔr gidi-dé kì ta-je kí nəl-dé nəl-dé ɓane.

⁴ Ta kí tɔgrɔ-ti lé, d'a kun mbi-dé kində rangi kdɔ koo al, rəmə tasu-je bá d'a yəl mbi-dé kdɔ koo-né.

⁵ Ngà i lé, mɛɛ né-je-ti lay ya, 'ində kəmkaa do rɔ-i-ti, 'a dingəm dan kɔ-je-ti, 'ra kullə kí njəkilə mbɛ Poyta kí Maji à ra, bá 'ra kullə lə-i adi idi maji rəm tɔ.

Ta lə ngɔdi lə Pol

Plp 1:20-23

⁶ Ngà mə rəmə m'adi rɔ-m toki man nduu kí 'mbəl do né gugi né-ti bè, adi ndo lə-m nɔy ngosi ngá*.

⁷ Mə m'ro rɔ kí maji, m'tɔl ta ngɔdi lə-m, m'ngəm kadmɛɛ lə-m.

⁸ Un kuti-é nē kinlé, nɔy kadi ndo gangi ta-ti ə 'Babe kí to njəgangta kí njururu adi-m nédoji-m kí to nédoji kullə ra kí njururu. Mə kì kár-m bá

* **4:6 4:6** Pol un rɔ-é oji-né man nduu kí 'mbəl do né-ti kí d'adi kdɔ gugi-né né bá pa-né ta kí do koy-é-ti (Tɛt 29:38-42; Kni 15:1-10; Plp 2:17).

à kadi-m al, ngà à kadi dow-je lay kí mee-dé tò səl do ndo ree-é-ti lé tɔ.

Ndəgi ta-je kí Pol idə Timote

⁹ 'Uwə rɔ-i ngà kadi 'ree kalangi 'ingə-m;

¹⁰ †Kdotalə Demasi† tusi-m inə-m kɔgi, kəmnda né-je kí donangi-ti nè ra-é n̄a adi ɔw bebo Tesaloniki-ti; Kresasi ɔw Galati; Titi‡ ɔw Dalmati;

¹¹ †Luki ya kì kár-é bá isi sə-m nè. Loki 'ɔw kì ree rəmə, 'adi Marki ree sə-i. Kdo ɛ to njèra sə-m do kullə-ti.

¹² †M'ulə Tisiki bebo Epeji-ti.

¹³ †Loki 'ɔw kì ree rəmə, 'ree kì kubi kul lə-m kí m'inə bebo Troasi-ti kəy lə Karpusi, bá 'ree kì mbete-je lə-m tɔ; ə né kí boy n̄a lé, 'adi mee-i oy do mbete ndaá-je-ti lə-m al. §

¹⁴ †Alegjandrə kí to kodi kuwə né lé, ra sə-m majal n̄a. 'Babe à ra siə né kí go kullə ra-é-je-ti ya tɔ.

¹⁵ I ya kàrè, 'oo go rɔ-i rɔ-é-ti, kdotalə ɛ ɔsi ta néndó lə-ji kɔsi kí ngà n̄a.

¹⁶ Kí dɔsɔy kí m'a m'pa-né ta do rɔ-m-ti n̄ə njégangta-je-ti lé, dow káre ya kàrè a go-m-ti al. Ngà də lay ya 'tusi-m d'inə-m kɔgi. Kadi Lubə tidə kɔr majal-é do-dé-ti al.

† **4:10 4:10 a** Kol 4:14; Plm 1:24; **b** 2Kɔ 8:23; Gal 2:3; Tit 1:4

† **4:10 4:10 Demasi** (Kol 4:14; Plm 24) **Tit** (2Kɔ 8:23; Gal 2:3; Tit 1:4) ‡ **4:10 4:10 Titi** (2Kɔ 8:23; Gal 2:3; Tit 1:4) † **4:11 4:11 a**

Kol 4:14; Plm 1:24; **b** Knj 12:12,25; 13:13; 15:37-39; Kol 4:10; Plm 1:24 † **4:12 4:12** Knj 20:4; Epe 6:21,22; Kol 4:7,8 † **4:13 4:13**

Knj 20:6 § **4:13 4:13** Go lo-ti lə jipi-je lé, dow-je 'ra ndaá biɔ-je kì ndaá bati-je adi təl mbete adi 'ndàngi né-ti. † **4:14 4:14 a** 1Ti 1:20; **b** Ròm 2:6

17 To 'Babe ya bá a go-m-ti, adi-m tógi kɔ kadi m'pa ta liə lay kɔ kadi dow-je kí 'to jipi-je al d'oo. 'Babe taa-m ta ɓol-ti* ilə-m taá.

18 'Babe à taa-m kilə-m taá ta né-je-ti kí maji al lay ya rəm, bá à kaji-m kɔ kɔbe liə kí dɔra-ti rəm tɔ. Kadi riba to 'liə ya kì dɔ ɓal-ɓal! Amən!†

Lapiya-je kí ra

19 †'Ra lapiya Priska-je kì Akilasi adi-m rəm, bá 'ra lapiya dow-je kí mɛɛ kəy-ti lə Onejipɔr rəm tɔ.

20 †Erasti nà y ɓebo Kɔrenti-ti, ə Tropim bá m'inə-é ɓebo Mile-ti kɔɔtalə rɔ-é to-é.

21 'Uwə rɔ-i ngà kadi 'ree kete nò nà y kul-ti. Ebulusi-je, kì Pudasi-je, kì Linusi-je, Klodiya-je, kì njékadmeɛ-je lay ya 'ra-i lapiya tɔ.

22 Kadi 'Babe adi mɛɛ-i usi nangi. Kadi ramaji liə nà y sə-si.

* **4:17 4:17** Pol pa ta lə ɓol kí dɔ al, ngà pa ta kinlé sobi-né dɔ ngar-je kí 'sangi kadi 'ra-é maji al. † **4:18 4:18** Mat 10:18-20
 † **4:19 4:19 a** Knj 18:2; **b** 2Ti 1:16,17 † **4:20 4:20 a** Knj 19:22; Ròm 16:23; **b** Knj 20:4; 21:29

Mango
Mango: Ta lə Lubə Kunmindi kí Sigi (New
Testament)

copyright © 2018 Wycliffe Bible Translators, Inc.

Language: Mango

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025

96bdbd07-24d6-556c-9e7c-7269c72880cd